





piaan.....inferioor. Speremm che la Germana.....Per la miseria, adèss che m'a vegn in meent.....devi avél desmentegaa sul cifon, l'última vòlta che m'à ricevüu la Gabrièla....basta che i g'abia migna sentoo dèla relazion....speremm !!!!

GERMANA

Caar al mè diari,

ma....al sarà migna che al mè defunto al m'à cuntava sü una quaj bàla? Che se l'è inscì, al cata pü gnanca un lumin pinin, e g'a lassi créss i erbasc süla tomba vòlt come al feen mageengh. Presempi: Indôa l'avrà cascias al Breil che a g'oo regalaa quaad l'à faj i cinquant'ann? Cosa diavôl i n'avrà faj? Voeuret vedé che un quaj malnatt al g'à l'à tiraa via dèl brasc, intaant che l'eva giô per tèra in Viaal Europa? Già, cujon come a l'eva.....Va ben che l'eva un zich mòrt, ma inzoma, almen de reagì 'na vòlta come sa deev, offff!!!!

GABRIELLA

Apro di nuovo il file "Giustino" per metterci dentro un po' di ricordi del periodo, tutto sommato dolce, anche perchè non lesinava sui pasticcini. Diceva di avere una moglie amara! Tengo il suo Breil, che ha lasciato sul comodino l'ultima volta, unico ricordo del suo "ricco" amore. Quanti regalini mi faceva! Diceva, è vero, le solite palle di tutti i maschi durante una relazione extra-coniugale: E che la moglie non lo capiva (ci aveva messo ventinove anni per accorgersene), e che doveva mettere le pattine sotto i piedi quando l'arpia dava la cera.....Fisicamente, ne ho conosciuti di meglio; però non aveva l'artrite quando si trattava di cavare il portafoglio.....Giustino, è inutile, sarà difficile trovare un altro fessacch....voglio dire un altro fisso che ti sostituisca!

GIUSTINO

Quaad che lengi che süla tèra gh'è sempro la taal riunion del G-sett o del G-vòtt, ma vegn in meent che mi a gh'evi al G-trii: Giüstin, Germana e Gabrièla.....Ah, Gabrièla, soo di mè giornoad griis! Se g'à füdéss migna staja 'sta tôsa....La ma costava un poo tròpp, ma la ma tirava sü....in tücc i sensi. Oddio, migna che la mia Germana la m'abia propi faj passà sempro 'na brüta vita.....ma regordi come se al füdéss adèss come a l'oo cognossüda....la ma fava i iniezion, perchè l'eva infermera.....a penzacch ben, l'è staj un amoor incominciaa col cüu e finii ala stessa manera. L'eva de n'a decision a spoong....i amiis in quel periodo li i ma diseva perchè navi zòpp!

GERMANA

Caar al mè diari,

al prim puntèll che al m'è daj al mè Giüstin, l'è staj visin ala ruèra del casameent indôa stavi mi. A gh'eva un zich de odoo, l'è vera, ma al Giüstin al s'eva traj adòss un maar de profüm a bon mercaa, che al sconfondeva l'odoo del rü. L'à tentaa de basamm, ma la mia mamm l'a m'eva metüu in guardia, e alôra a goo daj una sbèrta, e l'è naj a finì tra i pèll de patati e 'na tôla de olii Berio.

GABRIELLA           Quando ho conosciuto il mio pollo.....oppsss, scusami, intendevo il mio Giustino, ero ai giardini pubblici, e lui portava a passeggio il cagnolino, il quale tirava il guinzaglio come un dannato. Siccome il suo padrone non era Sansone, benchè il cane fosse minuscolo, era la bestia che lo portava in giro. A un certo punto, il cane è riuscito a far ingarbugliare per bene il guinzaglio attorno alle zampe della mia panchina....Sai, caro computer, il Giustino era in cerca di becchime fuori dal proprio pollaio, io ero rimasta a corto di pollame....Insomma, è stato amore a prima vista.

GIUSTINO           I prim teemp del mè matrimoni, i ropp i'è migna naj inscì maa.....la Germana la deva gnammò rivelada inscì....tôdesca, e l'eva gnammò metüu sü i sbarr ala finestra dèla mia libertaa, ma dopo l'è staj come se la mia vita la fùdess serada via. De fà de mangià l'eva migna bôna, ma in compeenz l'eva 'na frana per stirà. La preparava in ogni modo centrin ricamaa d'ogni misüra; capolavori, con i quali la impieniva tûta la ca', cèss comprees. L'eva tûcc secch, inamidaa che i somejava de gèss. I fava vegnì in meent la Germana quella vòlta al mees che la fava a l'amoor.

GERMANA           Caar al mè diari,  
al mè Giüstin al s'è mai lamentaa; anca perchè, se al g'a provava, al metevi a post mi! Al gh'eva migna altro che domandà, s'el gh'eva voeuja, già. Dòna de laargh vedüud, sevi, e somm ammò! Presempi: se 'na sira al voeuveva al riis invece dèla pasta. al gh'eva domà de dill, e al podeva metess là 'n oltra pignata d'aqua. O se invece del léss al voeuveva al ròst, al sa la fava. Dopo scena, al diventava un poo insistent: Tûcc i momeent a l'eva scià con la solita lienda. Passava gnanca dees- dodess di.....'na vera crôos, ma i omen, sa sà, i g'à in meent sempro quell.....





se oo scernii al cafè che ma porta in.....sü o quell che ma porta....in giò. In ogni modo, oo firma ‘n altro modulo, e via andare!

GERMANA Caar al mè diari,

l’altro dì finalmeent ma somm decidüda a vardà tra i caart del pòor Giüstin, e oo trovaa un numer de telefono, con sü visin scrivüu “Gabri”. Orco sciampin, questa poeu, l’è bèla del bôn! Voeureress vecch chî quel strepenaa del mè poor omm, per inverzall sôttsôra come sa fà con ‘na giacheta rivoltada. Eet capii al marito ideale, tütt ca’ e giardinitt? M’à risponduu una vòos se quii che.....diis cjaar i sò reson. “Siiiiiii, pronto?” Quela li, la credeva de vecch a che fà con un oltro clieent, perchè al sò al deev vèss al mestée püssée antiich del moonnd, t’al disi mè. Al Giüstin al deev ringrazià de vèss partii, veh!

GABRIELLA Vuoi vedere che la voce femminile...no, non è possibile....Non sarà stata la consorte del defunto? Ma come sarà arrivata al mio numero di telefono.....A meno che quel rimbambito del Giustino (a nominarlo come vivo) non abbia lasciato in giro il numero. Conoscendolo un po’, niente di impossibile.....Oh, beh, dopotutto, cosa può provare quella lì? Le mie prestazioni non lasciano il segno, se non nel portafoglio....Uffa, regalini, sciocchezze, in fondo.....cosa vuoi che sia.....

GIUSTINO Intaant che scrivi i mè memori come al Silvio Pellico, m’a vegn in meent tanti de quii episodi con la mia Germana...Germana, già! figuremess! Al sò pa’ l’eva vorüu metich quel nom li perchè l’eva staj in Germania a lavorà, ai tempi che Berta filava. Chissà poeu cosa gh’eva de bèll de regordass dèla Germania....in ogni modo, al nom a l’eva sü misüra, perchè germanica l’eva del bôn. Quaand che la gh’eva scià al spazeton, la somejava un soldaa prüssian del Bismarck. L’eva propi natural, nagôtt de di.

GERMANA Caar al mè diari,

che abia vivüu vintinoeuf ann visin a un infingard che al gh’eva la dopia faccia? Ma paar fina impossibil, anca perchè al vardavi a vista. Ma con la scusa del Charly, magari.....dovréss domandaghel all’amabile cagnetto, ma al fà sü ‘na faccia de innocent...che al siéss faals come Giuda anca al can? I diis che a furia de stà inzema, omm e can ala fin i s’è someja....e poeu, gh’è sempro la stramaledeta storia del Breil bleu, che al sa troueva

migna in nissüna paart.....Caar diari, a somm tormentada de mila penzée, vün püssée brütt de l'oltro....Vigliacch d'en vigliacch, se al m'à faj 'na roba simila....s'el troeui dèla paart de là....beh, impossibil, mì saroo in sü e lüu in giô, se l'è l'impostoor che penzi.....

GABRIELLA

Caro diario elettronico,

tramite il "Chi è?" sono potuta risalire a chi

mi ha telefonato; effettivamente, il numero é ancora intestato al Giustino; così ho saputo tutte le coordinate di chi fosse in effetti quel limone che ho potuto spremere per soli sette mesi. Non che sia di grande utilità, ma insomma.....una consolazione come un'altra. E' invece importante adesso che ai giardini pubblici trovi un altro pollastro, magari con un nome e una personalità un pochino più pronunciati.....

GIUSTINO

Intaant che a voo avanti a mett giô i mè memori (taant per fà un quajcòss),

ama vegn in meent tanti ropp particolaar dèla mia vita süla tèra....prima de cognoss la Gabriella de Viaal Europa 131.....Presempi, de quela volta che la Germana, che alôra sevomm ammò giovin, sposin, l'à vorüu che la fotografass intaant che la ga dava al pan ai cigni in riva al laagh, e al momeent del scatt fatidich, al cigno püssée gross al g'à becaa al posteriore e lée l'è finida in una bèla istantanea a gaamb a l'aria. La m'à migna parlaa per quindess di, anca se gh'evi spiegaa che al cigno l'evi migna mandaa mì, ma la s'è mai convinciuda, e l'à sempro credüu che l'evi faj aposta.

GERMANA

Caar al mè diari,

la parola giüsta a l'ü "mascalzon". Ma, disì mì,

come sa fa a véss inscì tradidoo! M'è capitaa sôta man i cuunt dela Banca,e, invece de vecch giô quell che doveva vessich giô, a gh'è un sach de prelevameent, de sett mees a questa paart....Ah, ma mì somm mej del Tenente Colombo, faroo un'investigazion a tresentsessanta gradi o anca püssée....i sa migna chi che l'è la Germana!





GIUSTINO           Oo incominciaa a provà, inscì per scherz, a na' a facch visita ai mè dô dòn, ma somm gnammò alenaa assée; adèss ma perfezioni e poeu.....fuochi d'artificio! A l'è che al teemp che i m'ài dai a l'è poch; cercheroo de fàghela istess.....

GERMANA           Oo cromptaa al libro dèla smorfia napolitana del lòtt, perchè voeuri vedé i numer de giügà per l'aparizion de l'oltra nòcc.....Magari g'a foo sù 'n afari su quel lifrocch del Giüstin, che sula sua fin senti sempro püssée odoo de brusaa....Oo tiraa i mè conclusion, e oo capii che con la scüsa del can al nava a trovà 'na cagna.....Scüsa al paragon, ma somm foera di strasc....Già; adèss oo anca capii de quel dì che al n'è naj, perchè la tiraa scià la storia cretina di zigarett....Al pioeuveva, e al podeva migna na' fina ai giardinitt con al can....e sicome che al gh'eva voeuja de vedé la sua bèla.....Al ripeteroo mai assée: Vüna prima de maridass la dovress penzach sù mila volt, e poeu deciid de restà de per lée.....Possibil che esista omen de pasta fròla come al Giüstin, e dòn delà specie de quela Gabrièla lì? Epuur, l'è inscì, nagòtt de fach. L'omm al sa straca del solit pozz, e al va col sò sedèll (sa fa per di) altrove; ma al Giüstin al gh'eva la corda cürta e al la seva migna....de 'na paart, l'è anca de riid.....

GABRIELLA           Caro diario elettronico,  
  
scrivo ancora queste poche note, tanto per concludere. Ne stampo una copia per ricordo, e poi cancellerò tutto, e comincerò qualcosa di più divertente. Ho inviato una lettera alla vedova del Giustino, che mi sembra sia un po' sull'incavolato andante, e le ho detto di trovarsi con me ai giardinetti; forse diverremo anche amiche, chissà?

GIUSTINO           Somm proont per al gran finaal. Pòdi finalmeent fa giò un salt sùla tèra, e divertiss. Naroo ai solit giardinitt de quartieer.....

GERMANA           Caar al mè diari,  
  
a somm contenta, de 'na paart. La famosa Gabrièla l'ài m'ài invidaa a cognossela ai giardinitt. Soo migna cosa la voeurerà dimm, ma in foond somm anca curiosa de vedéla.....

oooooooooooo

**FINALE**

GABRIELLA (RIVOLGENDOSI A GERMANA, CHE ENTRA ASSIEME A LEI)

Sono contenta che abbia accettato di vedermi. Noi donne dobbiamo essere solidali, sa? Non deve volermene, in fondo non sono stata io ad andare a cercare il Giustino, non è vero? E poi, senta: Conosco un caro amico, che ha un amico che cerca un'amica.....

GERMANA Alôra, l'è tûta una question de amicizia.....beh, perchè no? In foond, al proverbi al diis: "Chi la fa l'aspetti....." E poeu, somm vedova, sì o no?

GIUSTINO (ENTRANDO, SI RIVOLGE ALLE DONNE) Cara Germana, cara Gabriella, mì.....voeureress diff.....

GABRIELLA (A GERMANA) E questo qui vestito da fantasma, chi sarebbe? Strani tipi ai giardinetti, le pare? E' un suo conoscente?

GERMANA Chiii, quel ropp li? E lée ga paar che 'na sciôra come mì a pò cognoss un tipo simil? Ma per piesé! La ma parla pütost de l'amiis del sò amiis.....  
(SI AVVIANO ALL'USCITA)

GIUSTINO (RIMASTO SOLO, APRE IL GIORNALE CHE HA CON SE')  
L'è inütil, gh'è pü quel bel rispett per i trapassati.....Taant, però, purgass per purgass, voeuri doprà quel zich de teemp che a goo a disposizion in manera speciala.....vedemm.....ah, sì.....eco...."Nuovo arrivo russa bionda mozzafiato, telefonare 339.65.72.198....."

FINE